

■陳庭欣(右)與徐榮劇中有感情線。

林夏薇(薇薇)、周嘉洛、陳庭欣(Toby)、姜大衛、黃子恆及徐榮等，昨日帶同自己的寵物出席無綫新劇《寵愛Pet Pet》宣傳活動，劇中的狗狗主角「冬甩」亦有現身，嘉洛更搞笑地扮狗狗可愛動作影相，期間更透露會同林夏薇有吻戲。

劇集同20幾隻合作 與周嘉洛有吻戲

薇薇一身狗味 家中寵物呷醋



劇中薇薇和嘉洛會有一段姊弟戀，嘉洛更透露二人會有蜻蜓點水式親吻。兩人首次合作，薇薇大讚嘉洛戲裏戲外同樣得人鍾意，演技又好，嘉洛就笑指自己是行偶像派。薇薇與嘉洛年紀相差9年，她不諱言因對姊弟戀沒有接觸過，初時都擔心演不來，直至拍完才知道原來都可以改變以往對姊弟戀的刻板印象。

不想多提了。他又笑指因薇薇演慣正劇，起初都擔心是否夾得來，合作過後才發現她很玩得又蠢蠢地。

兩人於劇中要跟20幾隻狗狗合作，拍攝過程可謂非常有難度，要好有耐性。薇薇笑言回家後家中幾隻狗嗅到她身上有其他同類的氣味，都會呷醋。問到為何不帶愛犬出席活動？薇薇笑說：「因貓貓有三隻，狗狗又好難控制，平時放狗好似係我被放咁。」

鸚鵡客串 陳庭欣憂被教講粗口

同場的Toby帶同3歲愛犬「肥Win」到場，她笑指肥Win因身形太肥要減肥，試過帶牠跑步同行山減磅，但行山行了一半便不肯行，要抱牠落山。她說：

「依家佢食嘢食八成，兩成就係醫生開嘅減肥藥，已經減咗3kg，有番條腰。」劇中飾演失婚闊太的Toby表示，跟徐榮有感情線，亦跟動物有對手戲，她的鸚鵡Shabu亦有份客串演出，不過只客串一場戲，她笑說：「我唔係擔心鸚鵡去開工辛苦，而係怕工作人員教佢講粗口，咁便係唔可以，如果出街同小朋友講粗口咪死？但佢識講曳曳，因為喺屋企聽到我會咁樣話啲狗狗。」雖然不少人認為跟動物演戲會好難，但Toby就大讚劇中的寵物好醒目。

■陳慧琳出席保險公司宣傳活動。



■嘉洛(左)扮「狗狗動作」十分趣怪，右為林夏薇。



■古巨基(右)花心機發掘應智越另一唱腔。

基仔發掘細貓新唱腔

古巨基(基仔)主理的《I Really Love To Sing》音樂企劃接近最終章，第九首跟應智越(細貓)合唱的《心跳回憶》昨日上架。基仔透露企劃中每次選歌時，都會先徵詢合作歌手的意見，之後再與舒文想像歌曲重新編曲後的可能性與產生的火花，這次亦不例外。最後覺得《心跳回憶》係可以有一個特別男男和音合唱版本。基仔其後花時間去發掘細貓另一種歌唱技巧，細貓指自己有進步，尤其在應用聲音方面、演繹方面都唔同。

佢巨肚玩遊戲 孫慧雪笑指驚穿水

李思捷主持及監製的《思家大戰》第三季於30日播出的一集。有陳煒(煒哥)率領的「煒大的靚媽」隊上節目，成員包括孫慧雪、李漫芬、關宛珊和張嘉兒，對戰由專業和音師譚錫禧率領的「同聲同氣」隊。今集Chit Chat環節氣氛十足，當中人妻煒哥獲思捷大讚愈來愈索，問到是否因有愛情滋潤時，煒哥即呖滋滋說：「絕對係！」挺超巨肚玩遊戲的孫慧雪，被思捷問到幾時生得，雪雪笑言：「就嚟生得，我都驚今日穿水！」十分惹笑。



■孫慧雪(中)佢巨肚現身成焦點。

眾星抱恙個唱延期 Kelly 澳門騷前防病倒

陳慧琳(Kelly)昨日以代言人身份出席保險公司活動，她透露自從上次與大仔一起遇上車禍後，即注意到買保險的重要性：「之前我本身都有買保險，但無買意外同危疾嘅保險，所以上次撞車受傷都無保險賠，現時買咗保險，有事都有咁肉痛。」Kelly更表示現時也會顧及家人，亦已為小朋友買保險，計劃好了便放心。

Kelly將於9月底在澳門舉行演唱會，但談到鄭秀文因感染新冠病毒，個唱被迫延期，容祖兒亦因感冒，有幾場演唱會要延辦。Kelly聽到即瞪大眼睛說：「會唔會係新種感冒，我之前都係不停感冒，被迫停咗錄音，延遲晒所有訪問同出歌，其實係阿仔返學，但感冒傳染咗畀我，之後不停變種，我又不停咁感冒，最後到我染咗新冠，就傳番晒畀屋企人。」

被問到怎樣去預防？Kelly笑說：「我要開始戴十個口罩，攞咪唱歌時要拉開啞咪，之前做騷，所用嘅咪都係共用，我感染新冠可能就係因為個咪。」會否改用私家咪？她表示私家咪聲不會特別靚，而且每一兩個小時要再設定，故唯有提醒要經常消毒。Kelly眼見Sammi、祖兒個個都病倒，也表示會更加小心：「我咩款式感冒都惹過，病到七彩，又低燒、聲沙，除非再變種，不好吧！」之後到做電子傳媒訪問，Kelly拿着咪時即小心翼翼，要先消毒才去做訪問。

